

K29
H819
1252

docriver 文川网
入驻商家
古籍书城
在文川网搜索古籍书籍 获取更多电子书

中國方志叢書·華南地方·第二五二號

據
清康熙五十六年修，清雍正七年增刊本
管 掄 纂 修

影印

雲南 省

師宗州志

sk69/02

成文出版社有限公司印行



中華民國六十三年六月壹一版

師宗州志

全冊

發行人：**黃成助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

師宗州志序

天壤間扶輿磅礴山州
江河湖海綿亘蜿蜒如
身之於臂臂之於指血
脈貫通共相連屬先王

docsriver 文川网
入驻商家 古籍书城

在文川网搜索古籍书城 获取更多电子书

建郡州縣星羅碁置犬
牙相制合而為一統集
為金甌故通都大邑有
志而窮鄉僻壤亦有志
名邦上國有志而雕題

鑿齒亦有志以天下而
有滇南以滇南而有師
宗雖彈丸黑子而疆域
猶是土田猶是人民猶
是歷代建置猶是亦烏

乎不可志如洛陽伽藍
記十道四番記括地志
鬱林異物志又何遺於
寸隅片壤乎夫亦視乎
人之留心風物以備乘

載昔史遷班固上至帝
王下至貨殖皆有記序
少陵青蓮雖極荒亦多
流覽晉常璩述南中志
唐儲光義高適宋李宓

雲南伐蠻諸詩不以為
侏儻椎髻之地而輟其
吟詠管子青村江左才
子也調缺師宗政餘乃
纂州志增以題詠傳記

尚書太史贈答詩章付
之剗剗書成持函問序
於余余昔承乏此州知
其州之巔末也余思此
巖蠻地固在車書玉帛

之中究不離荒烟蔓草
之域昔之志闕畧而未
可問今閱其分類井然
燦若螺紋攷核確然明
如觀火以修五鳳樓鉅

筆璀璨典雅古藻繽紛
覺林原滌晦蒙之色川
谷增炳耀之光始歎地
以人重則江山有靈羅
池滄浪晚香怡亭馬退

山之結構浣花溪之樓
止深山與谷何嘗不因
人而留至今日哉蘇子
瞻云苟有可觀皆有可
樂師宗僻處不棄為荆

榛狐狸之場一經點綴
則章亥所步職方所掌
皆可入

聖天子之輿圖以待其
採風問俗籌邊畫地也

觀天文分野則思調劑
之宜道里疆隅則思防
禦之固戶口賦役則知
盈縮之實城池學校則
思培補之殷官司秩祀

則思激揚之別選舉忠
孝則思風勵之公古跡
名勝則思維新之必力
災祥變異則思修救之
不遑孰謂數帙簡編而

無裨於政治耶近奉

恩例三年郎膺喬擢則

瘴癘蠻方郎盤根錯節

司馬承禎所謂終南為

仕宦捷徑豈得以為邊

docsriver 文川网
入驻商家 古籍书城

在文川网搜索古籍书城 获取更多电子书


鄙而棄之歟是為序

康熙戊戌歲九月中憲

大夫知雲南鶴慶軍民

府事盧龍孟以恂樸庵

譔



序

師宗古變蠻地羈縻於
唐斧棄於宋宣慰於元
土州於明初改流於明
中葉地偏而瘠赤壤不

泉童山不木荒阜起伏
亂石唇齒五穀不產仰
蒼為生此地之所棄也
節候沍寒雨風不若恆
陰愆陽堞風菡露此天

之所棄也天地所棄人
力罔至事百而效一功
倍而獲半是以仰事俯
給者如登山之難淪胥
以逋者如流水之易矣

師之為州幾不可問自
我
皇上蕩平逆藩以來兩
迤東西復為樂土民彝
自重穉以至頽白不見

兵革者幾四千年而封疆无老又日撫循而噢咻之檢以謗劣忝調此地城郭依然村堡錯處學校倉儲井井秩秩所



謂以養以教者悉體台
司訓誨約令弗敢廢墜
飽廩食而安署居幸得
優遊於太平無事之日
年穀漸登暘雨時序其

細民刀耕火種漸致蓋
藏其士子說禮樂而敦
詩書有古遺風可與中
原並埒蓋
聖人在上一道德而同

風俗省繇省歛賜租肆
赦勸農桑而文訓飭休
養生息數十年於茲涵
濡泳沫如是之深且久
也薄海內外日所入出

亦靡不各得其所況師
遠萬里近如几席則州
志之纂輯又烏可已耶
按周禮外史掌四方之
志上之天子周知列國

都鄙州邑之盛衰與民
之憂樂皇輿表一統志
諸書已藏冊府師雖遠
陋謹列九圖五紀畧九
攷四傳聊備採風之末

docsriver 文川网
入驻商家 古籍书城

在文川网搜索古籍书城 获取更多电子书

則覽師志之後先本末
師民之頌

萬年天子矢文德而洽
四國者又不啻兩階干
羽也矣

康熙五十六年丁酉歲
夏五知師宗州事武進
管綸撰